

# أخرتها إيه ! | " فأين تذهبون " | #الطريق\_إلى\_الله | د. حازم

## شومان

حازم شومان

السلام عليكم ورحمة الله وبركاته. الحمد لله حمدا كثيرا طيبا مباركا فيه. غير مكفي ولا مكفور ولا مودع ولا مستغن عنه ربنا الحمد لله حمدا ملة السماوات وملة الارض وملة ما شاء ربنا من شيء بعد. اللهم لك الحمد كله ولك الملك كله وببيدك الخير كله - [00:00:01](#) واليك يرجع الامر كله. لك الحمد انت نور السماوات والارض ومن فيهن. لك الحمد انت قيوم السماوات والارض ومن فيهن لك الحمد انت رب السماوات والارض ومن فيهن. لك الحمد انت ملك السماوات والارض ومن فيهن - [00:00:21](#) اللهم صل على عبدك ونبيك وحبيبك. حبيب قلوبنا وطبيب قلوبنا محمد. صلى الله عليه وسلم عدد خلقه ورضا نفسه. وزنه عرشه ومداد كلماته ثم اما بعد روي عن عروة ابن الزبير رضي الله عنه انه لما بترت رجله لما قطعت رجله فقبل ما يدفنوها مسك رجله وهي مقطوعة ونظر - [00:00:41](#)

اليها وهو بيحمد ربنا سبحانه وتعالى وقال اللهم انك تعلم اني ما مشيت بها الى حرام قط ياه اه وهو يبسلم الامانة لربنا. وهو يبسلم الوديعة لربنا. وهو بيرجع الامانة اللي ربنا استرعاها عنده واخذها سبحانه وتعالى. بيقول له يا رب انا - [00:01:05](#) ما عصافكش بها ولا مرة يا رب. انا ما عملتش بها اي حاجة غير في طاعتك يا رب. انت وانت بترجع الامانة لربنا. في اليوم اللي هيبجي هترجعي الامانة لربنا - [00:01:25](#)

هنرجع كلنا لربنا. هتقدر تقول على عينيك وانت بترجعها لربنا. اللهم انك تعلم اني ما نظرت بها الى حرام قط. هتقدري تقولي على اللهم انك تعلم اني ما سمعت بها حراما قط. هتقدري تقولي على قلبك اللهم انك تعلم اني ما تمنيت به حرام - [00:01:35](#) يا جماعة واحنا راجعين لربنا معاصي جوارحنا هتبقى طاهرة بالطاعات ولا ملوثة بالمعاصي؟ طب افرض كانت بالمعاصي. افرض عشنا حياتنا بالمعاصي اصل اخرتها ايه؟ اخرتها ايه يا جماعة؟ عايزين نفتح الملف ده النهاردة. عايزين نفتح الملف ده لان اي انسان في قلبه دين دلوقتي وفي قلبه غيرة على حرمان الله - [00:01:55](#)

يمشي في الشارع قلبه بيتفطر مع كل منظر بيشوف في الشارع. المنازل اللي قدامنا بنشوفها في شوارعنا وفي نواديننا وفي كل حنة في بلادنا. ده رسول الله صلى الله عليه وسلم - [00:02:15](#) بيقول وما فشت الفاحشة في قوم حتى يعلنوا بها. لحد ما تبقى على قفشية السينما. لحد ما تبقى في الكافرز والبوسترز. لحد ما تبقى في الشوارع لحد ما تبقى - [00:02:25](#)

مجهر بها. اخرتها ايه؟ اخرة كل المعاصي اللي بنشوفها في الدنيا ايه؟ اخرة كل الشهوات اللي الناس قعدت منجرفة وراها ايه؟ اخر الطوفان المعاصي اللي عاد دارت بلادنا وارضينا - [00:02:35](#)

وحياتنا كلها ايه؟ اخرتها ايه؟ اخرتها قول الله سبحانه وتعالى كلا سوف يعلمون كلا لا يمكن ده يتسكت عليه ابدًا. لا يمكن المعاصي دي هيتسكت عليها في ابدًا وفعلًا كل يوم بنشوف من اثر قول الله سبحانه وتعالى كلا احد النساء اتصلت بي احدي الداعيات على احد القنوات الفضائية بتقول لها - [00:02:45](#)

كل ما فتش هدومه الاقي حنة حشيش في هدومه. يعني تتوقعوا السؤال كان ايه؟ هي كم كم جرام؟ كم جرام ليه؟ عشان نعرف هي هتجيب ادمان ولا مش هتجيب ادمان - [00:03:05](#)

احنا وصلنا لفين يا جماعة؟ اخرتها ايه يا جماعة؟ اخرة علاقات الحب والعلاقات العاطفية. واي علاقة حب قامت حتى على اساس الدم والنسب بس مش على اساس الدين. اخرتها ايه - [00:03:15](#)

اخرة كل العلاقات مع السوبر ستارز النجوم الوهميين اللي اهل الباطل. صنعوهم لنا واحنا ماشيين وراهم في الاعلام والسينما. والفن اخرتها ايه! اخرة الليد وضهر لرسول الله وهجروا سنتهم في حياته. المشهد الاخير للي جه له جري الوحوش ورا الدنيا في كل مكان. ونسوا الدين اخرتها ايه؟ اخرة كل اللي احنا بنعمله - [00:03:25](#)

ده ايه؟ لازم نقف المجتمع كله بيتكلم الوقتي عن الفنانة اللي قتلت في دبي لا نتمنى لاي احد من المسلمين غير الرحمة الواسعة من الله سبحانه وتعالى المجتمع كله بيتكلم - [00:03:45](#)

اتقتلت ازاي؟ وصحيح فعلا ان فيه واحد خد حداشر مليون جنيهه عشان يقتلها وهو فعلا دبحها وهو آآ كشفوه ازاي؟ وهو دخل ازاي؟ طب مات امتي؟ وهيتعمل فيهم ايه؟ والمحكمة بتاعتهم ايه؟ وهي كانت بتشتغل ايه بالزبط؟ وكان لها كليبات ولها اغاني ولها حاجات. وكانت بتعمل ايه؟ وكانت بتلبس ايه - [00:03:57](#)

وكان كل حاجة بنفكر فيها في الرسالة دي. اللي ربنا بعثها للامة كلها الا ان احنا نقرا الرسالة. رسايل كل سنة ربنا تبعت لنا رسالة الرسالة اللي كانت قبل كده رسالة المغنية اللي قالت في يوم من الايام انا تعبت في دعوتي قد ما الرسول تعب في دعوته. عليه الصلاة والسلام وفي الاخر - [00:04:17](#)

اتقتلت برضه على ايد جوزها واحد بيقول ليه جوزها قتلها ليه؟ شك فيها. شك فيها؟ اه شك فيها. وسندريلا سندريلا اللي رمت نفسها اخرتها ايه يا جماعة كلها رسايل من ربنا لنا لكل ممسلة وفنانة ومغنية واستايلس لكل واحدة لكل واحدة طلعت تضل شباب امة محمد وامة محمد كلها - [00:04:37](#)

لنا كلنا ولكل عاصي اخرتها ايه؟ رسالة لكل شلة شباب قاعدة على ناصية شارع. تبص للي رايح واللي جاي واللي رايحة واللي جاية. اخرتها ايه يا جماعة! اخرتها ايه سندريلا - [00:04:57](#)

اللي مررت نفسها من البلكونة في الاخر. ولا نتمنى لاي مسلم الا الرحمة. اخرتها ايه! فيه حد دلوقتي من اهل الفن كلهم ولا من الفنانات؟ هتوصل لشكلها سندريلا ولا لشهر السندريلا. فيه واحدة هتوصل كأن ربنا بي فوقنا سبحانه وتعالى. المغنية اللي وقفت جنب ابو الهولت ترقص وحواليها عشرين الف شاب - [00:05:07](#)

معها يا ترى دي عند ربنا. في اللحظة اللي كانت بتعمل فيها كده من فوق سبع سماوات. ربنا بيبيص لها نظرة ايه؟ واسمها عند ربنا ايه؟ والملايكة بتعد لها مكان في - [00:05:27](#)

الفردوس الاعلى ساعتها ولا بتعد لها مقامع الحديد ومقامع النار في جهنم والعياذ بالله؟ مش ربنا بيقول ومن يعمل مثقال ذرة شرا يره هيشوفه هيشوفه هو ده اخرتها. هو ده اخرة العمل ازاي واخرة العمل الصالح ومن يعمل مثقال ذرة خيرا. يرى فمن يعمل مثقال ذرة خيرا يرى هيشوفه هيشوفه. كل - [00:05:37](#)

في انسان هيشوف اللي هو بيعمله. اخرتها ايه؟ اخرة كل المعاصي، وطوفان المعاصي. والطوفان الجارف اللي بقى منتشر في الامة، بقى صدر كل واحد. غير على دين ربنا وبيحب ربنا بيتمزق. بيتفرم وهو ماشي في الشارع. ما هوش عارف يعمل ايه. طب يكلم الناس دي امتي؟ طب يدعو. طب يدعو ازاي؟ ويدعو بانهي وسيلة؟ اخرته - [00:05:57](#)

يا جماعة اخرتها عشان او فر عليكم. اخرتها حاجة من ثلاثة ما لهاش رابع. ثلاث حاجات. هم اخرة كل واحد ماشي في طريق المعصية. الحل الاقتراح الاولاني او او الاخرة الاولانية عقوبة الدنيا هتنزل عليه - [00:06:17](#)

خلاص كم قسمنا من قرية قسم يا اما الحاجة الثانية لو ما جاش عقوبة الدنيا تبقى سوء الخاتمة. هيموت على معصية مرة وهو بيعصي ربنا. هيموت على حاجة من الحاجات اللي ادمانها - [00:06:32](#)

في الليل والنهار في معصية ربنا. طب افرض عدة من دي كمان يبقى عقوبة الاخرة. مش هيفلت. ثلاث حاجات مستنية كل عاصي. اخرة كل عاصي. عقوبة الدنيا ان سوء الخاتمة في الدنيا فضيحة. سوء الخاتمة في الدنيا. يا اما عقوبة الاخرة والعياذ بالله. عقوبة

الدنيا. احنا عايزين نقف وقفة دلوقتي. وقفة مع اكبر حاجة لازم - [00:06:42](#)

تستفز قلوب الصالحين الوقتي. مش انا مش انا تستفز قلوب الصالحين. يعني او اي انسان عايز يبقى صالح يا جماعة لازم. لازم ندعو الى الله. لازم نغير اللي احنا عايشين فيه ده لازم نفوق الناس لازم ننقز الناس كلنا هنغرق والله العظيم. كلنا هنضيع. انتم عارفين احنا

عاملين زي ايه؟ زي واحد بسيط ما بيعرفش يقرا ويكتب فجا له - [00:07:02](#)

سلف عايز يقرأها. فنزل في الشارع فلقى واحد ماشي قال له لو سمحت انا بس ما بعرفش افك الخط. ممكن تقرا لي الجواب ده.

فالراجل قال له تحت امرك. وقام مطلع من جيبه - [00:07:22](#)

نضارة وقام لابسها. وقام باصص كده في الورقة قال له اه ده فيها كزا كزا كزا. الراجل بص كده على النضارة قال بس هي دي. هي دي

اللي خلت الراجل ده - [00:07:32](#)

يعرف يقرا. لو سمحت دي اسمها ايه؟ قال له دي نضارة قراية بس. انا هاجيب نضارة القراية دي وافك الخط لبلدنا كلها. الراجل ده

الراجل ده يا جماعة احنا عايزين - [00:07:42](#)

نقرا يا جماعة. عايزين نتعلم نقرا. عايزين نخرج من الجهل اللي احنا فيه. عايزين نتعلم نقرا رسايل ربنا اللي بيبعتها لنا ليل نهار كل

يوم. ربنا بيبعت لنا رسالة. كل - [00:07:52](#)

يوم رسالة جديدة ربنا بيحزنا فيها. الرسايل عدت اكثر مما نتخيل من ايام. لما كلمتكم الاسبوع اللي فات عن الجليد اللي انهمر خمس دقائق بس على المنصورة. السما بقت بتزجم بالجليد. قعد الشباب كان في حوض حمام سباحة في احد النوادي. فشايف المنزر

بقي السمك كلها مكشوفة. بيقول - [00:08:02](#)

يعني الجليد او طوب الجليد بيقول واحدة نزلت على ضهره زرقت له ضهره. واحد واقف تاني في حمام السباحة نزلت على راسه ما بين ودانه بعد ودانه فتحت له ورا بانه ناس نزلت على راسها بطحتها الفوانيس والازاز بتاع النبي اتكسر بسبب بسبب رجم الجليد

اللي من السما. منزر - [00:08:22](#)

الجليد وهو نازل مش منزر جليد. مش منزر برد مش منزر منزر غضب نازل. الطوب الجليدي نازل بغضب. سبحانك ده خمس دقائق. لو كانت فضلت كمان خمس دقائق كنا اطحننا. الواحد وهو بيص على المنزر وانا واقف في البلكونة باصص على المنزر. انا قلبي اتخلع

اتخلع ليه؟ كلنا قلنا يوم القيامة. اتخلع ليه؟ يا ربي سبحان الله! ده لو واحد - [00:08:42](#)

بيهجم على واحد بسكينة هيتربع. انا حسيت ساعتها ان الكون كله بيهجم علينا. هنعمل ايه يوم القيامة يا جماعة؟ دول خمس

دقائق يا جماعة. امال لو سبع ليالي سخروا عليهم سبع - [00:09:02](#)

سبعة وثمانية ايام حسوما. كنا عملنا ايه؟ امال يوم القيامة لما تكون كله هيهجم على البشر منزر رهيب. هنعمل ايه؟ احنا قد مين؟

احنا قد اللي بنعصيه احنا قد ربنا - [00:09:12](#)

سبحانه وتعالى سبحان الملك الجليل. ومع ذلك دقائق دقائق بعد على طول الانهيار الجليد وانتهائه خارجة من الجامعة زي ما هي.

الشباب اللي كان معلي الاغاني وخاف واطرب رجع شغلها تاني زي ما هي - [00:09:22](#)

كل واحد كل اتنين كانوا مستخبين ولد وبنت مع بعض. مستخبين في الدرا كده عشان الجليد اللي نازل خرج والتاني زي ما هم ولا

كأن في حاجة. بل عكس اذا هم منها يضحكون بالعكس اللي يبجي يقول ده عقوبة من ربنا يدحكوا عليه. انت بتقول ايه؟ انت

بتتكلم ازاى؟ الكسوف اللي ربنا وراه لنا اية ترعبنا وتجرينا - [00:09:36](#)

مساجد. بقوا عاملين نضارات شمس دلوقتي عشان يتفرجوا على الكسوف وهم بيضحكوا ويبتسطوا. اسماء الله الحسنی اتخزنا

ايات الله هزوا. بقى الوقتي بالطبل صاجات وبالدرامز بتتلحن وراء اسماء الله الحسنی. عشان بقينا بنلعب بايات ربنا. وبنتهزأ بايات

ربنا. ما عدناش بنخاف. ربنا قال وما نرسل بالايات الا - [00:09:56](#)

هنعمل ايه يا جماعة؟ كنت واقف باصلي الفجر سمعت في في الركعة الاولانية قول الامام فاين تذهبون؟ قلت سبحانك يا رب انا لما

اديت سلسلة على فين يا شباب في رمضان اعتقدت انها كلمة يعني ايه خاطرة جت للواحد على فين انما اول مرة الاقي ربنا بيقول لنا

على فين اول مرة احس ان ربنا بيقول للامة كلها - [00:10:16](#)

الدنيا كلها على فين؟ فاين تذهبون؟ انتم رايحين على فين؟ حسيت ان مليارات من الناس داخلة الصراط المستقيم وبعد كده كلها قررت انها تسبب الصراط وتدي ضررها لربنا وربنا لما اعرضه عن ربنا بيقول لهم على فين؟ انتم رايحين على فين؟ فاين تذهبون؟

انتم عارفين المهالك اللي برة شكلها ايه؟ انتم عارفين اخرتها ايه؟ اخرتها ايه؟ عايزين نفكر - [00:10:36](#)

يا جماعة ونقف مع نفسنا اخرتها ايه! احنا الوقتي في اول حاجة من عواقب المعصية. عقوبة الدنيا. دي اول حاجة اول اخره من اواخر المعصية. عقوبة الدنيا والعياذ بالله يا ترى يا جماعة يا ترى لما نسمع في اين تذهبون قلوبنا بيحصل لها ايه؟ الركعة الثانية لقيت

الامام بيقرأ في سورة الانفطار. اذا السماء انفطرت. انفطرت حسيت ان قبل ما ربنا - [00:10:56](#)

كلنا احنا هنبقى فين؟ او انتم رايحين على فين؟ السما فوق كلها سبع سموات الاية رفعتك سبع سموات. السما انفطرت. وخلص ما

عادش فيه حاجة مرتبطة بحاجة ولا اي - [00:11:16](#)

عقد منتظم. والنجوم بتخبط في الكواكب في الشهب في النيازك. في المجرات. وازا الكواكب انتصرت كل حاجة بتخبط في بعض.

وبعد كده الاية اللي بعدها تنزلك سبع سماوات للارض واذا البحار فجرت حتى الزرات نفسها ان فطرت وانتشرت. وعملت انفجارات.

واذا القبور بعثرت. الانسان يطلع بقى في الوضع ده - [00:11:26](#)

يعني ربنا قال لك انت هتبقى افتكرت الاية اللي في الركعة الاولانية. فاين تذهبون؟ هنروح من ربنا فين؟ على فين يا امة محمد؟ على

فين يا عباد الله؟ على فين يا اللي - [00:11:46](#)

ربنا خلقنا ورزقنا وكفلنا. وفي يوم من الايام هنقف بين ايديه. على فين؟ فاين تذهبون؟ رايحين على فين كل واحد لازم يحدد وهو

رايح على فين؟ لازم يحدد ومقصده ورايح على فين بالزبط؟ سبحان الله العظيم. يا ترى يا جماعة الرسايل اللي احنا بنشوفها كل يوم

بعد رمضان المفروض الرحمات تنزل. نفاجاً برجم الجليد من - [00:11:56](#)

وفي رمضان الرحمات تنزل نفاجاً بصخرة الدواب تقع. يعني كل دي رسايل غضب. ربنا غضبان. ما لهاش ترجمة تانية. ربنا غضبان يا

جماعة. لازم نفوق لازم نعرف سقطهم عربهم واعجمهم. كم حالة زنا بتحصل في امة الاسلام؟ كم حالة خمر ومخدرات بتحصل في

امة محمد؟ كم حالة علاقات محرمة بتحصل في امة محمد - [00:12:16](#)

لو ربنا غضب هيغضب على اللي عصم ولا هيغضب على الشياطين الخرس؟ شياطين الخرس اللي شافوا وسكتوا وما غضبوش لله

وما دعوش الى الله. ولو ربنا غضب الرزق ولا العقوبة هتنزل والانتقام هينزل - [00:12:36](#)

مش عايزين نتحاصر بعقوبات ربنا سبحانه وتعالى. يكون لمتبرجة. انت بتحاربي ربنا. يا كل واحدة لابسة الوان الطيف في لبسها

والوان الطيف على وشها. انت بتحاربي ربنا. انت نازلة تحاربوا ربنا وتطعني في دينه وتاخدي الناس من ربنا سبحانه وتعالى. يا كل

شاب بيبارز ربنا بالمعاصي انت بتحارب ربنا. انت بتلعب بالنار. لو صح ان المتهم في - [00:12:50](#)

قتل المغنية في دبي. لو صح انه فعلا خد حداشر مليون جنيه وهو اللي قتلها. يا ترى لحظة ما اتقبض عليه. كان احساسه ايه وهو

بيفتكر الحداشر مليون جنيه كان احساسه ان مال الدنيا كله ومليارات الدنيا كلها. كانت تساوي الموقف ده. كان احساسه ايه؟ وهو

حاسس ان كل حاجة ضاعت. كل حاجة راحت مقابل ايه؟ مقابل لا شيء - [00:13:10](#)

لو هو اللي كان عمل كده وهي اللي اتقتلت. راحت فين؟ نفس القنوات. نفس القنوات اللي كانت بتعرض صورها وهي بترقص. عشان

تاخذ فلوس من وراها. هي وقت نفسها اللي بتعرض صورها وهي مقتولة ومدبوحة. عشان برضو تكسب فلوس من وراها. راحت فين

؟ كان في عاشت عمرها كله كل ما اتغنى اكثر يسقفوا لها اكثر. كل ما - [00:13:30](#)

ما ترقص اكثر يسقفوا لها اكثر، وبعد ما اتقتلت حصل ايه؟ القنوات بقت بالنسبة لها وليمة. تكسب من وراها في الاس ام اس.

والجرايد بقت بالنسبة لها وليمة. تعمل خبطات صحفية من وراها - [00:13:50](#)

وحتى الفنانين اللي شيعوها في جنازتها كل واحد راجع على الشاشات اللي مستنياها. يدوس على الرابع في طريق جهنم. وحتى

المحاكمة بتاعة المتهمين في قتلاه. اتحولت مادة اعلامية مسلية وهي تحت التراب لوحدها لواحدنا احنا نتمنى الا الرحمة لا نتمنى الا

الرحمة لكل مسلم انا تخيلت لو دي - 00:14:00

في ناس سألها دلوقتي هتقول لربنا هتقول له يا رب امة محمد ضحكت علي. يا رب امة محمد خدعتني يا رب. امة محمد هي اللي سقفتني اول مرة غنيت فيها - 00:14:20

محمد هي اللي رددت اسمي في اول مرة رقصت فيه. امة محمد هي اللي حطت صورتني على الكفرات والمسترات يا رب. امة محمد هي اللي خرج منها المتفرجين اللي اتفرجوا علي - 00:14:30

هي اللي خرج منها المخرجين اللي اخرجوا الاغاني وكليباتي. ويا اللي خرج منها المنتجين اللي مولوا اغانيه. وهي اللي خرج منها القنوات اللي عرضت لي. امة محمد يا رب هي - 00:14:40

خرج منها اللاتنين اللي اتجوزتهم واللي في نهاية المشوار اللي خلص بدري قوي اللي قتلني في الاخر. امة محمد يا رب هي اللي خرج منها الاب اللي رباني. والام اللي علمتني - 00:14:50

والمدرسة اللي اتعلمت فيها والجامعة اللي اتخرجت منها. انا في رقبة امة محمد يا رب. انا في رقبة كل معجب من المعجبين. ضحك علي وسقف لي. انا في رقبة كل - 00:15:00

سارق عربي غرقني بالهدايا عشان نزرة اعجاب مني. انا في رقبة انا كم واحد قال لي برافو وسقف لي وكم واحد قال لي انت حرام كم واحد سقف لي وكم داعية وصل لي وقال لي اتق الله اللي انت بتعمله حرام. كم واحد دليني على طريقك؟ وكم واحد دليني على

طريق ابليس؟ في رقبة مين - 00:15:10

هو انت مين في رقبة مين يا جماعة؟ في رقبة مين يا امة محمد؟ كل واحد بيموت على المعاصي في رقبة مين؟ ماشي امبارح على بلاش اسكندرية بابص على البلاج على يميني - 00:15:30

من ايات ربنا تحف من ايات ربنا سبحانه وتعالى في البحر وفي السماء وفي السحاب على شمالي كله مرصوص على على الكافي شيبسي وعلى القهاوي قاعد يشرب شيشة قلت سبحان الله العظيم. في رقبة مين؟ الناس دي ما حدش كلمها في الدين. الناس دي ما

حدش وصل لها اصلا. الناس دي ممكن تبص لواحد ملتحي كده على اكنه كائن غريب ماشي ما حدش - 00:15:40

ما حدش وصل لها دين. ما حدش وعظها اما واحد في عيلتها التزم ما رحش كلمها. اما واحد مع الشاب ده في الدفعة التزم ما رحش يكلمه في الدين. اما واحدة اتحجبت وكانت في - 00:16:00

نفس الشلة سابتها وما راحتش كلمتهم في ايد ربنا. في رقبة مين؟ كل واحد بيموت على المعصية وما عرفش الدين في رقبة مين؟ افتكرت قول الله سبحانه وتعالى كنتم خير امة اخرجت للناس. ليه؟ تأمرون بالمعروف وتنهون عن المنكر. ياه يا رب! ده احنا كده

عدنا شر امة اخرجت للناس. ده احنا كده ما عدناش خير امة - 00:16:10

يا رب لما نشوف الرسالة اللي ربنا ارادها منا ونشوف الواقع بتاع امة محمد في رقبة مين يا جماعة؟ في رقبة مين؟ عقوبة الدنيا. عقوبة الدنيا هي اول حاجة اول حاجة - 00:16:31

انا ممكن يكون واحد بيعصي ربنا او واحدة بتعصي ربنا تسمع الكلام ده تحس ان تحس ان الكلام شديد عليه. طب انت بتزقق ليه؟ طب انت متترفض ليه؟ طب انت بتكلمني - 00:16:41

انت كنت بتخوفنا ليه؟ الشاب اللي كان عايز يزني وشهوته غلبته ومش قادر يتجوز. لما راح للنبي عليه الصلاة والسلام عايز يزني. الناس كلها قالت له ايه؟ قالت له ما ما - 00:16:51

ابعد ابعد بعيد ابعد عننا. انما الرسول ما قالوش ابعد. الرسول قال له قرب. ابنه. ابنه قرب. الرسول قرب عليه الصلاة والسلام. الرسول اول حاجة عملها قربوا منه. ليه يا جماعة انت مش عدونا؟ انت حبيينا. انت حبيينا واخونا. انت اختنا وحتة من قلبنا. احنا ما بنكلمش

اي حد عاصي عشان نكسره ولا عشان نقهره - 00:17:01

ما احنا كلنا عصاة. احنا بنكلمك يا حبيب قلبي عشان مش عايزين نخسرك في الدنيا ولا في الاخرة. احنا بنكلمك يا اختي عشان مش عايزين نخسرك. عشان عايزين نفوقك مش عايزين نخسرك - 00:17:21

مش عايزين نكسرك مش عايزين نحطم قلبك. مش عايزين نتريق على الناس ولا ولا نذري الناس. لا والله يا جماعة. الرسول عليه الصلاة والسلام اول حاجة قريه منه ابنه قرب ما لكش دعوة باللي بيقول لك ابعده لآ ده انت اكثر واحد تقرب مني فيهم كلهم. انت اكثر واحد محتاجني. وانا اكثر واحد عايذك وامنيتي في حياتي ان ربنا - [00:17:31](#)

انقذك. عشان كده لما بصيت في الحديس لقيت كلام غريب جدا. كل ما الرسول يقول للشباب كلمة يقول له ايه؟ الرسول يقول له اترضاه لامك؟ يقول له لا. جعلني الله - [00:17:51](#)

يقول وترضاه لاختك يقول له لا. جعلني الله فداءك. اترضاه لخالتك؟ لا. جعلني الله فداء. يعني ايه؟ حب الرسول عليه والسلام. طب حبوا ليه؟ لانه حس ان الرسول بيحبه. حس ان الرسول ما بينصحوش وهو ناقد عليه. ومغلول منه وغضبان منه. حس ان الرسول بيفضحه لانه بيحبه - [00:18:01](#)

وخايف عليه. يا حبيب قلبي اي اخ بينه وبين اخوه رابطة نسب ودم. انا اللي بيني وبينك لا اله الا الله اقوى من اي نسب ودم. احنا احنا والله يا جماعة - [00:18:21](#)

والله يا جماعة احنا اكثر ناس بنحبكم اكثر ناس نفسنا ان كلنا ربنا ينقزنا في الدنيا وفي الآخرة. اكثر ناس الرسول في الآخرة حط ايده على قلب الشاب عليه الصلاة - [00:18:31](#)

والسلام مكان الشهوة اللي هتضيع له دنيته واخرته. وقال اللهم اغفر له ذنبه. اغفر له. لان اللي وقع في الزنا ده وقع في الزنا عقوبة على مليون بصة بص لها الرسول دعى له وقريه وفهمه عليه الصلاة والسلام بيحبه بيحبه انا مش بنصحك عشان باكرهك انا بنصحك عشان بحبك انا بنصحك عشان تفوقني - [00:18:41](#)

عشان فعلا عشان انت اختي في الله. سبحان الملك الجليل. يا جماعة يا جماعة عايزين نفوق عامر بن علوي عامر بن عبدالله بن الزبير. وهو بيموت بيحضر سمع الاذان بيدن ، فقال احملوني الى المسجد. ده انت بتموت! مسجد ايه! فقال كيف اسمع دعاء الله! ثم لا اجيب - [00:19:01](#)

كيف اسمع داعي الله ثم لا اجيب. ما اقدرش اتخلف عن نداء ربنا. انت كم مرة اتخلفت عن نداء ربنا؟ انت كم مرة اتخلفت عن نداء ربنا؟ عايزين نفوق يا جماعة. عايزين نفوق. عايزين القانون لا يحمي المغفلين يا اخواني. زي ما بيقولوا لا تحت التراب ولا فوق التراب. ما فيش. المغفل اللي الشيطان ضحك عليه - [00:19:21](#)

ضحكت عليه. ما حدش بيحمله زي ما فوق التراب ما بيحملهوش. تحت التراب القانوني الالهي. ما بيحملهوش برضو. بلد من البلاد في ايطاليا شفت لها افلام؟ البلد دي يا جماعة الواحد يعني يعني سبحان الملك الجليل ملك كانت مليانة زنا ومليانة فعل قوم لوط ومليانة ومليانة والعياذ بالله. لما ربنا نزل عليها - [00:19:41](#)

وبنزله بطريفة عجيبة جدا. كان فيه بركان جنب البلد. اول حاجة حصلت ان البركان بدأ يطلع غازات. يثور بغازات بس. من غير حمم بس. الغازات السمة طلعت على اهل البلد وهم بقى في حفلات ورقص وزنا والعياذ بالله. سممتهم شلتهم في مكانهم. وهم احياء - [00:20:00](#)

بعد كده البركان سار غرقهم بمتار فوق امتار من الحمم. بعد كده التراب اللي في البركان نزل على اجسادهم صلب لهم الاجساد بتاعتهم. بعد الفين اكتشفوهم من الردم اللي كان عليهم لما تشوفوا المنزر الاكل لسه على الترايبز. اللي حاطط الاكل في بقه ولا حاطط حته الكيك في بوقه. لسه زي ما هي. لسه - [00:20:18](#)

البيض اللي كانوا حاطينه على الترايبزة عشان ياكلوه. لسه في الطبق زي ما هو بنفس الشكل. وهم متصلبين قدامه. اللي كان بيقع في الزنا لسه في نفس في نفس والعياذ بالله زي ما هو متصلب. سبحان الملك الجليل. يا جماعة افتكر زمان قبل ما الواحد يلتزم. كان في احد الافلام. كان اتنين شباب جالهم ايدز - [00:20:38](#)

اعوذ بالله وقعوا في الزنا وجا لهم ايدز. فكان منزر ما انساهاوش ابدأ. المنزر الاتنين لموا كل حاجاتهم في شنطة هاند باج ومشيووا من على كوبري يرموها في المية عشان ما حدش - [00:20:58](#)

يتأسر باي حاجة عدوى منهم. رموها في الماية. فالشنطة طافت على الماية ما غرقتش من اولها. فواحد منهم متوتر فبيبص للشنطة فيقول له ما غرقتش. فالتاني من غير ما يبص قال له ايه ؟ هتغرق هتغرق يعني ايه ؟ قصدهم ايه ؟ قصدهم احنا مشينا في طريق هتغرق هتغرق. هي ما غرقتش بس هي هتغرق هتغرق خلاص - [00:21:08](#)

ما دام اتحطت هنا هتغرق هتغرق. يا جماعة احنا امتنا هتغرق. احنا هتغرق. منزر السلام تمانية وتسعين وهي بتغرق! دي منزر بينطبق علينا كلنا. احنا هتغرق لو ما فوقناش هتغرق فعلا يا جماعة والله العظيم. لو ما انتبهناش نسوا الله. يعني ايه نسوا الله؟ يعني بدل ما كان بيفكروا في مراد ربنا بيقوا بيفكروا في مراد نفسهم. فكرتوا في نفسكم - [00:21:28](#)

فانساهم انفسهم. هتنسوا انفسكم. احد رؤساء الدول الاسلامية اصدر قانون. ان ما فيش اي حد يخلف اكثر من اتنين. ممنوع ابدًا مراته حملت مرة والثانية جابت بنتين. وهو نفسه في ولد. وما هوش عارف يعمل ايه. ده رئيس الدولة مش عارف يعمل ايه. اضطر يتبنى ولد ويسميه باسمه وحرم - [00:21:48](#)

الذرية بسبب ايه؟ عقوبة الدنيا لما بتنزل على المعاصي. عقوبة الدنيا لما ربنا يريد انه يستهزأ بمخلوق سبحانه وتعالى. اخترتها ايه؟ اخترتها حاجة من ثلاثة يا جماعة اخترتها يا اما عقوبة الدنيا. يا اما سوء الخاتمة يا اما عقوبة الآخرة والعياذ بالله - [00:22:07](#)

سوء الخاتمة سوء الخاتمة سوء الخاتمة يعني يعني ايه سوء الخاتمة؟ يعني فيه فرق بين واحد جا له استدعاء مسلا مجرم والبوليس جا له استدعاء وواحد نزلوا جابوا مجرم من بيته. ده ده شيه تاني. ده اسلوب تاني. اسلوب تاني خالص. ياه! احنا عايشين دلوقتي فوق التراب. بس فيه عالم تحت التراب. مقاييس تحت التراب - [00:22:24](#)

لا علاقة لها بمقاييس فوق التراب. قوانين تحت التراب لا علاقة لها بقوانين فوق التراب. واقع تحت التراب لا علاقة له بواقع فوق التراب واقعين ومقاييسين لا علاقة لهم ببعض. فوق التراب اللي بيحرك الدنيا الوسائط والاموال والشهادات والمراكز. تحت التراب كل ده صفر صفر - [00:22:44](#)

يعني قمة الوسائط صفر. قمة الشهادات ايه؟ صفر. قمة الشهادات صفر. ازاي؟ صفر ازاي؟ ده انا معي زمالة كلية الجراحين استخدمتها في طاعة الله لأ في الدنيا. يبقى صفر. صفر ازاي! صفر ازاي! ده انا معي دكتوراه من كامبريدج صفر. وانا معي زبالة من اكسفورد صفر. وانا معي - [00:23:04](#)

دبلومة الكواليتي مانجمنت كنترول من الجامعة الامريكية باخد قد كده في الشهر. صفر صفر ازاي! ده انا ما عيبش غير كده تحت التراب. كل ده ما دام مش في طاعة الله صفر - [00:23:24](#)

قيمة المراكز ايه ؟ صفر صفر ازاي! ده انا ده انا كان على كتفي نسور ورتب كان كل الناس بتترعب مني. صفر صفر ازاي والسيوف اللي كانت على كتفي دي كانت سراب ولا كده. وانا انا كنت مدير مامتي ناشيونال جروب. كنت بقبض ميت الف دولار في الشهر. بقبض الدولار. استغلثهم في طاعة الله. لأ - [00:23:34](#)

صفر. طيب كنت باشا. وانا كنت ابن باشا. وانا كنت عمدة. وانا كنت وزير انا كنت استاذ جامعة بمرتبة وزير. وانا كنت وزير بحقي وحقيقي مركز لخدمة المسلمين لأ يبقى صفر. صفر ازاي! احنا مش جايين غير معنا الكرسي. معناش حاجة تانية. ما عناش حاجة غير الكرسي. واحنا ما عناش حاجة غير الفلوس. قيمة الفلوس - [00:23:55](#)

صفر. انت الفلوس صفر ازاي! انا ما عيبش غيرها. ده انا كان عندي فلوس في الدنيا لو قعدت اكل فيها لغاية ما اموت. ما كانتش تخلص. صفر وانا كان عندي فلوس في الدنيا لو ولعت فيها لغاية ما اموت الحريقة ما تكهاش لغاية ما يجي لي اجلي. صفر صفر ازاي - [00:24:15](#)

ده انا كان عندي فلوس في الدنيا. ده انا كان عندي فلوس لو سبت بلدي وسحبت فلوسي منها. اقتصاد البلد. اقتصاد البلد ممكن يقع. ازاي سافرت؟ لان كانت الدنيا كلها بتتقلب - [00:24:33](#)

عشان ازاي تقولوا لي انها صفر؟ صفر صفر ازاي! ده انا كنت لعيب كورة كنت بامشي في الشارع. الشوارع بتتقل. الدنيا كلها بتتقل. وانا كنت فنان وانا كنت نجم، وانا كنت ستار - [00:24:43](#)

كفر كل حاجة ما كانتش في طاعة ربنا تحت التراب صفر. عالم له مقاييس تانية تماما. له مقاييس تانية قواعد تانية قوانين تانية سنن تانية فوق التراب غير تحت التراب يا امة محمد. فوق التراب واقع وتحت التراب وقع ثاني تماما. لما الواحد يتدبر - [00:24:53](#) لما ربنا سبحانه وتعالى اراد انه يظهر قلب سيدنا سليمان. عمل ايه؟ ربنا قال والقينا على كرسيه ايه؟ على الكرسي بتاعه. وكرسي العرش الملك بتاعه. والقينا على كل كرسيه ايه؟ جسدا. كرسيه اشمعنا الكرسي؟ اشمعنى الكرسي يا جماعة؟ الكرسي ده اللي خلى الناس تقتل بعضها. لما ربنا اراد انه يظهر قلبه. الكرسي اللي - [00:25:11](#)

ما حدش يقدر يقعد عليه غير الملك ربنا القى عليه جسد ايا ما كان هذا الجسد. عشان ربنا يخرج الكرسي من قلب سليمان. يقول له الكرسي ده اي حد ممكن يقعد عليه. الكرسي - [00:25:31](#)

اللي خلى الناس تقتل بعضها وخلي الشعوب تطحن في بعضها وخلي الرؤساء الاقسام يظلمم الطلبة المتفوقين عشان يجيبوا ولادهم يقعدوا على الكرسي بعدهم خلى كل واحد ماسك مركز في مؤسسة ولا في اي مكان عايز يزلم اي حد عشان يجيب ولاده ويقعد مع الكرسي مكانه. الكرسي يا جماعة الكرسي الكرسي ربنا اراد انه يظهر قلب سيدنا - [00:25:41](#)

الحاجتين اللي ربنا سبحانه وتعالى يعلم ان الناس بتقتل بعض عشانها طهر قلب سليمان سليم. سليمان اللي قلبه سلم. اللي كان سلم لله اللي كان سلم للملك ربنا سلم له قلبه من حاجتين. اذ عرض عليه بالعشي الصافرات الجياد. الخيل الجميلة الدنيا. ازا عرض عليه - [00:26:01](#)

النساء الجميلة يقتلوا بعض اكل بسبب النساء. ياه! ياما! ولسه الحوادم اهي قدام عيننا. قتل بسبب الفلوس. قتل بسبب الدنيا وزينتها وبهرجتها قتل. فقال اني احببت حب الخير عن ذكر ربي. حتى توارت بالحجاب. انا الصافرات الجياد الخيل الجميلة. تلهيني عن ذكرك يا رب - [00:26:21](#)

دقايق معدودة لغاية ما الشمس تغيب او لغاية ما النخيل تغيب لأ ردوها علي هاتوها ثاني. فطفق مسحاً دبحها. دبح عشرين الف خيل من الجياب فروة رهيبة دبحها ليه؟ عشان ما تدبش الايمان في قلبه. عشان ما تدبش علاقته بالله. لان اللي بينه وبين ربنا اغلى عنده من اي حاجة - [00:26:41](#)

ربنا طهر قلبه من اول حاجة الناس قتلت بعضها عشانها زينة الدنيا ونساء الدنيا ومال الدنيا واللي بعدها ولقد فتنا سليمان والقينا كرسيه جسدا. ثاني حاجة ربنا طهر قلبه منها الكرسي المركز. الناس قتلت بعض عشان الاتنين دول. انما سليمان اللي سلم قلبه من اي - [00:27:01](#)

من كل مسوء الله لأ احنا عايزين قلوبنا تسلم. عايزين نخرج منها زي ما دخلناها. دخلناها على الفطرة ما نعرفش غير ربنا. عايزين نخرج منها واحنا ما نعرفش غير ربنا. احنا ما لنا بكل اللي بيحصل ده - [00:27:21](#)

ما لنا بالفتن دي ما لنا في ارض الغربة بهجة الغربة! وخذاع الغربة! يا جماعة! يا شباب! يا امة محمد القانون لا يحمي المغفلين المغفل اللي غفل في الدنيا عن الله. قانون السماء لما بينزل تحت التراب القرآن ما بيحميهوش. انت اللي كنت مغفل. لو مغنية قالت له يا رب ضحكوا - [00:27:31](#)

يا رب ضحكوا علي ثلاثين الف واحد وخمسين الف واحد. وانا كان ستين الف شاب بيحضروا لي حفلتي. كانوا بيسقفوا لي ضحكوا علي. القانون لا يحمي المغفلين اتضحك عليه في الدنيا مين اللي هيحميه؟ خلاص انت شربت الدنيا شربت مقلب. عايز ايه؟ انت اللي اتضحك عليك. القانون ده يحمي المغفلين. للاسف - [00:27:51](#)

سوء الخاتمة سوء الخاتمة بنشوفه في كل يوم وشفناه في التاريخ زي ابن نوح وزي ابو طالب ابو طالب نايم على فراش الموت. ضيعت عمرك يا ابو طالب خلاص الحق بقى يدخل اصول الله - [00:28:11](#)

صلى الله عليه وسلم. ويبدأ يكلمه في الدين. طب قل بس لا اله الا الله. قلها. قلها. اهل الباطل يسمعون ان ابو طالب لوحده بيموت والرسول معه. الحقوا طب خسران انه يقولها يا اخي سيب ويقولها. يا استغفر الله العظيم اخي ايه ما فيش اخوة في مع الكفر. طب سبه يقولها لأ ما تسيبوش يقولها. طب انت خسران ايه؟ خسران خسران نبقى كلنا - [00:28:24](#)

مع بعض. ما يبقاش حد غير الثاني. احنا عارفين ان محمد هو الحق. ما حدش يبقى مع محمد وحد ضده. كلنا ضده. يجري ابو جهل بسرعة. يقف ابو جهل ويقف رسول الله صلى الله عليه وسلم - [00:28:44](#)

وابو طالب في اخر لحزاته. بينه وبين جهنم لحزات. اخر فرصة في حياته. كل سانية بتعدي اغلى في حياته وفي مصيره من السنة في عمره الوقتي كل لحزة في حياته خلاص خلاص الملايكة نازلة. يا ترى مين اللي هيقبض روحه؟ والرسول صلى الله عليه وسلم يكلمه. يدي ودنه للنبي عليه الصلاة والسلام. يسمع يبدأ يتأسر - [00:28:54](#)

بيكلمه يد ودن ل ابو جهل ده اللي ضيعه. ان زي ما ادى ودنه للحق ادى ودنه لاهل الباطل ضيعوه. نسفوا في الاخر يقرر انه يفضل على الكفر والعياذ بالله في الاخر يموت اسوأ خاتمة ليه؟ اتردد سمع ده ، وسمع ده ما ينفعش. ما سأل الله لرجل من قليبين. يا تسمعونا يا تسمعوههم - [00:29:14](#)

يا تسمعوا اهل الدعوة اللي بيتكلموا في القرآن والسنة يا تسمعوا بتوع القنوات العلمانية وبتوع الاغاني والافلام والمسرحيات وبتوع الفكر العلماني المسموم ما ينفعش يا تسمع اللي تسمعوه اللي هيسمع الاتنين هيضيع. اللي هيسمع الاتنين الباطل اللي في قلبه والشهوات اللي لسة في قلبه هتصحى تاني وهتضيعه. ابو طالب. قصة اهي قصة قدامك - [00:29:34](#)

يا جماعة سوء الخاتمة ابن نوح وخلص الارض بدأت السما تبطر والارض بدأت تتملى وبنروح ابوه واقف بيقول له اركب معنا. اركب في السفينة اخر لحظات في عمرك. اخر فرصة في حياتك. مصيرك مصيرك بينك وبين جهنم لحظات. الحق. ابن نوح - [00:29:54](#)

بص لنوح ويبيص للي راكبين السفينة دول اعدائي. دول اللي عشت معهم طول العمر. دول اللي عشت اشتهم فيهم واستهزأ بهم. وهم يكلمونني في الدين وانا استأذن واركن معهم ازاى - [00:30:12](#)

اركب مع سفهاء الناس دول ازاى؟ بعد تسعمية وخمسين سنة. المجتمع كله وانا منه رافضينهم. ازاى ارجع اقبلهم؟ انا راجل انا هاخاف من شوية مائة ولا ايه؟ انا هاخاف شوية مطر ولا ايه ويبيص لنوح للكفار والمشركين وهم لسة برضه واقفين يستهزأوا ومش عايزين يصدقوا. زي اللي ما اللي شافوا ردم الجليد من السما مش عايزين يصدقوا - [00:30:22](#)

زي ما اللي شافوا صخرة الدواء مش عايزين يصدقوا. مش عايزين يشخصوا بيموتوا ومش عايزين يشخصوا. بيهلكوا مش عايزين يشخصوا. بيضيعوا مصيرهم بيتسحب منهم وشك الهالك. ربنا غضبان. والسما بتنزل رسائل الغضب قطرة ولا قطرة. والارض بتفكر رسائل الغضب عين ورا عين. وهم برضو مش عايزين يفهموا - [00:30:42](#)

ومش راضيين يترجموا اي حاجة الا ربنا. اي طريق الا ربنا. اي طريق الا طريق الطاعة. ان نوح بيص لهم لسه سابتين. ولسه واقفين مكانهم. ويبيص للمسلمين ويبيص وييوس وفي الاخر لا ساوي الى جبل يعصمني من الماء. زي كل دول ما بياوا للجبال. وقاعدين لسة يتريقوا عليكم. انا هاقوي. قال لا - [00:31:02](#)

اليوم من امر الله. ما فيش حاجة هتنفعل النهاردة. لما هتنزل العقوبة. يا جماعة احنا احنا احنا بنعصي مين يا جماعة؟ يا اخواننا اللي بيعصوا ربنا في الشارع الوقتي. البنت اللي اللي لابسة الوان الطيف وماشية والشاب اللي ماشي مكلم خمسمية بنت والشلل اللي في الشارع. والاختلاط اللي بقى - [00:31:22](#)

كل مكان وفي الدروس والاغاني في الميكروباصات وفي التاكسي. وفي المحلات وفي افتتاحات اي مشروع. كل ده يا جماعة احنا متوقعين ان كل ده وراه ايه؟ يعني احنا ايه؟ ان احنا نعمل كده. طب وبعدين؟ هو ده طاعة ولا معصية؟ معصية؟ ده آآ ده مجموعة من الكباثر متجمعة مع بعض. الله! طب وربنا يرضى ولا يغضب؟ ربنا يغضب! طب - [00:31:42](#)

لما يغضب يعني هيخاف مننا مسلا احنا متوقعين ايه! احنا مستنيين ايه! احنا متوقعين ان اخرة الوضع ده ايه! اخرتها ايه المعاصي اللي بنجاهر بها الله. ليل نهار دي ايه؟ اخرتها ايه يا جماعة؟ عايزين نفكر اخرتها ايه؟ يا كل واحد غافل يا كل واحد عاصي. يا كل واحد واقف قدامكم - [00:32:02](#)

التوبة متردد يقدم رجل ويأخر رجل. ياكل واحد متردد ينطلق في الطريق الى ربنا ولا يخليه زي ما هو. يا كل واحدة واقفة مترددة.

اخذت ولا ما خطيش يا كل واحدة واقفة مترددة اسيب المعاصي ولا لآ؟ يا كل انسان متردد انت متردد في ايه؟ هتقف تنردد شوية يا ابو طالب اهو. تردد لحظات ضاع - [00:32:22](#)

كل حاجة. شف قول الله سبحانه وتعالى لما الشيطان بيكلم ربنا سبحانه وتعالى وقال لاتخذن من عبادك نصيبا مفروضا. بيقول لربنا ايه؟ بيقول له ولاضلنهم. اول حاجة يتوهمهم اول حاجة خليه يخرجوا من الطريق. طب وايه يعني! طب ما هم يرجعوا ثاني. ما هم يعرفوا انهم تاهوا. لا ولامينهم. ليه؟ عشان ما يفكروش يرجعوا. يعني انا توهته في صحراء - [00:32:42](#)

وهفضل اعشمه ان اخر السكة دي كل اللي هو عايزه. ليه؟ عشان بدل ما يفكر يرجع يفضل يشد السل لقدام. هتوهه واضيعه خلي كل احلامه في المتاهة ده ايه؟ ثم لامرته ولامرته فليبتكن اذان هيقوا خلاص عبيد في ايدي عشان تيجي الخاتمة - [00:33:06](#)  
وهم في الطريق ده هتبقى سوء خاتمة والعياذ بالله. تبقى اسوأ خاتمة والعياذ بالله. اخرتها ايه؟ اخره طوفان المعاصي اللي احنا شافينه ده ايه؟ اخره القلوب اللي مالية قلوبنا ايه؟ اخرتها ايه يا اللي معرضين عن ربنا؟ اخرتها ايه؟ يا اللي حب ربنا سبحانه وتعالى لكم وانتم عباده. انا لما كنت باكره - [00:33:26](#)

في ميقات سيدنا موسى لما ربنا وقط له ثلاثين يوم وبعد كده ربنا اتمها بعشر. بني اسرائيل ما كانوا عارفين ان الميقات اربعين يوم. لما موسى اتأخر عمل العجل قلت سبحانه يا رب العشر تيام دول اللي ربنا نزل التوراة على موسى فيهم - [00:33:46](#)  
وهم اللي بني اسرائيل عبدوا العجل فيهم. يا رب يا رب هم رايعين يعبدوا غيرك وانت بتنزل لهم كتابك ورحماتك يا رب. يا رب ازاي ده المتوقع انك كنت تنزل لهم صاعقة. ان موسى كان ينزل لهم بزلزال بصعقة. مش ينزل لهم بكتاب رحمة. مش ينزل لهم بكتاب زي القرآن الكريم. ازاي يا رب؟ ايه - [00:34:02](#)

رحمة دي يا رب ايه الرأفة دي يا رب زي ما قلت لكم المرة اللي فاتت نفسي نتكلم عن الفرحة بالله. نفسي لعل بازن الله سبحانه وتعالى في اقرب فرصة. نتكلم عن الفرحة بالله. نفرح بربنا نفرح بمولانا. نفرح - [00:34:22](#)  
لنا رب بيحبنا ويحلم علينا ويبسترنا. نفرح برحمة الله. نفرح بغنى مولانا. نفرح بالله مش نفرح بالدنيا. سبحانه الملك اخرتها ايه؟ عقوبة الدنيا لو عدينا من الدنيا سوء الخاتمة. لو عدينا من سوء الخاتمة عقوبة الاخرة - [00:34:37](#)  
ولا تحسبن الله غافلا ولا تحسبن الله غافلا عما يعمل الظالمون. انما يؤخرهم ولا تحسبن. اوعى تحسبها غلط. في دي بالزات ما ينفعش تتحسب غلط. في دي بالزات لازم تتحسب - [00:34:55](#)

صح لان ده مصير. ولا تحسبن الله غافلا. اللي اتهم في قتل المغنية بتاعة دبي. اللي اتهم في قتلها. بيقول لك جابوه ازاي؟ بيقول لك جابوه من القميص ماركة القميص والكاميرات صورت وبعد كده مش عارف اتصلوا باوروبا بالمصنع وبعد كده جابوا الاربعة وتلاتين محل اللي في دبي بيوزعوا بعد كده جابوا رقم الكود وعرفوا - [00:35:08](#)  
من الفيزا كارد الواحد وهو بيسمع الكلام ده. ايه ده يا رب ده! ايه ده! دي رقابة البشر للبشر. امال رقابة رب البشر للبشر شفت بقى ايه! اومال احنا متراقبين قد ايه! اذا كان ده اتجاب من رقم الكود بتاع القميص بتاعه ولا بتاع الحذاء بتاعه! اومال رقابة رب البشر للبشر تبقى ايه - [00:35:28](#)

لما تبص في القرآن ربنا بيقول انه ساصيله سقر انه ايه سأريق صعودا. انه فكر وقدر. فقتل كيف قدر. فكر. ده خواطر ذهنه متراقبة. ده ربنا بيقول ونعلم ما توسوس به نفسه. ده خواطر صدره - [00:35:48](#)  
حكومة راقبة يا جماعة. ده المايكرو فيلم بتاع حياته متراقب باللحزة يا جماعة. يا اخوانا دلوقتي وصلت الرقابة ان فيه ناس ممكن بتتكلم مع بعض على الارض. القمر الصناعي السما مصورهم صوت وصورة. فما بالك بقى ده في السما انت من سبع سماوات بتتصور صوت وصورة وانت قاعد الوقتي. انت متصورة الوقتي صوت وصورة. الرقابة على - [00:36:04](#)

الفنية يعني ايه رقابة على المواصفات الفنية؟ يعني هيمسكوا الفيلم هيبصوا عليه لقطة لقطة. الرقابة على حياتك ان انت حياتك متراقبة مشهد مشهد هتتحاسب على مشهد مشهد يوم القيامة. يا نهار ابيض! ساعات في قضايا المخدرات في التنزيات العالمية يجيبوا قبضوا على المجرمين ازاي - [00:36:24](#)

ام بتفهم تلاقهم مسجلين لهم صوت وصورة. طب ازاي؟ ده هم قاعدين والواضة ما فيش فيها اي حاجة. ازاي؟ ايه ايه الحاجة اللي حطوها؟ ما عرفوش ان هي جهاز تسجيل - [00:36:44](#)

وكاميرا اجهزة الرقابة في الواقع الحديس وصلت لدرجة لم يكن يتخيلها اي بشر. ولا يتوقعها اي بشر ولا يتصورها اي بشر. فما بالك انت متراقب من ربنا ازاي انت متراقبة من ربنا ازاي؟ ايه اللي بيراقبك بالزبط؟ ايه اللي بيراقبك في كل اللي حواليك؟ ايه اللي هيشهد عليك في كل اللي حواليك؟ كل حاجة يقول لي ما تشهد ازاي؟ كانت كاميرات تصوير ازاي - [00:36:54](#)

كانت اجهزة تسجيل ازاي؟ كانت اجهزة التقاط لافعالك وتصرفاتك ازاي؟ سبحان الله العظيم! لما الواحد يبشوف دلوقتي محاكمة المتهمين في قتل هذه المغنية سبحان الملك الجليل. المحاكمة يا جماعة ده محاكمة في قضية واحدة. خدت كل الوقت ده ولسه متأجلة لشهر مش عارف ايه ولسه. محاكمة. اومال يوم - [00:37:16](#)

يا من مليارات المليارات من قضايا لمليارات المليارات من البشر دي هتتفاصل قد ايه؟ ليه يوم القيامة خمسين الف سنة؟ عرفت ولا لا سيدنا يوم القيامة خمسين الف سنة ولا لا؟ ولا تحسبن الله غافلا. اوعى تفتكر ان ربنا مش رقيب عليك. اوعى تفتكر ان ربنا سبحانه وتعالى ما يعلمش كل حاجة بتحصل - [00:37:36](#)

عما يعمل الظالمون. هل احنا ممكن ندخل في الاية ديت؟ هل ممكن يجي اليوم اللي امة محمد تدخل فيه في الاية ديت؟ الظالمين. الواحد بيمشي. ماشيين كل ما تمشي افتتاح محل - [00:37:56](#)

رهيبة. والشوارع مقلوبة بالاغاني. تفتكر حديس رسول الله صلى الله عليه وسلم فيما روي عن رسول الله. صوتان ملعونان. صوتان ملعونان. مزمار كن عند نعمة ورنه عند مصيبة. رنة عند مصيبة اللي هي الصوت والصراخ. مزمار عند نعمة. ربنا رزقك محل جديد. دي كلمة شكرا. الاغاني دي - [00:38:06](#)

اللي عند النعمة ده كلمة شكرا. ربنا رزقك فرح. دي كلمة شكرا. الافراح الوقتي يا جماعة بقت مسلمات. لو حد جه اتكلم قال الفرحة ده حرام انت متخلف انت ارهابي! انت متشدد انت انت! انت ايه! ده ده كوكتيل كبائر اتجمعوا مع بعض. مش كبيرة كوكتيل كبائر. اتجمع مع بعض. احنا وصلنا لايه؟ ولا - [00:38:26](#)

من الله غافلا؟ كل اللي بيتعمل دلوقتي في امة محمد ربنا مش غافل عنه. المعازف اللي بقت منتشرة في كل مكان. الاغاني اللي بقت موجودة في كل مكان في كل مكان - [00:38:46](#)

سبحانك يا رب! سبحانك! ويطلع ناس يقولوا لا خدوا بالكم! ده فيه فقهاء قالوا ان المعازف حلال بس بشروط! الاغاني اللي المعازف بس بشروط! تبجي تبص في الشروط! تلاقي معدومة اصلا. فين الاغنية اللي في ارض الواقع على كوكب الارض عليها الشروط اللي بعض الفقهاء قالوها فين؟ بعض الدعاة اللي روجوا لحلية المعازف. دعوا - [00:38:57](#)

الوهم في ازاي يا جماعة. ضحكوا على الناس. فين دي؟ فين الاغاني اللي ما بتلفتش القلب عن القرآن؟ هاتوها لي. فين الاغاني اللي ما اللي ما فيش فيها حاجات حرام ولا كلام - [00:39:17](#)

فين الاغاني اللي ما فيش فيها اي حاجة تثير الشهوة في القلب فين في اغاني زيد ولا عبيد ولا نطات الحيط فين بالزبط؟ فين الاغاني اللي المنزرده فيها. ولا تحسبن الله غافلا. ما حدش ربنا مش غافل. ربنا الملك الجليل. شوفوا رقابة اهل الدنيا لبعضهم. تخيلوا رقابة ربنا ليه بقى شكلها ايه - [00:39:27](#)

ولا تحسبن الله غافلا عما يحدث في الجامعات وفي الشوارع. وجوة قلوبنا وفي اعلامنا وفي نوادينا وفي كل ما ربنا مش غافل يا جماعة. ربنا مش غافل التبرج اللي بقى موجود في الشوارع الوقتي. التبرج الغريب. قعد احد الشباب طلع في دماغه فجأة كده اعتنق فكر اسمه فكر التكفير والعياذ بالله. فكر - [00:39:47](#)

موديل اسمه فكر التكفير والهجرة. اعتنق الفكر ده. يعني معتقد ان الناس دي كلها كفره والعياذ بالله. وقام اتقع امه واقنع اخته واقنع مش وبدأ يقنع وقام اللي اقتنعوا بطريقته دي وقام طالع على الصحراء. قعدوا قالوا احنا هنهاجر بقى الى الله. وقاموا طالع على الصحراء قعدوا عايشين حيط الصحراء حياة بؤس في بؤس. وقالوا احنا مهاجرين الى الله - [00:40:07](#)

سبحان الله! التطرف ممكن يودي لفين؟ الارهاب ممكن يودي لفين؟ اهو اللي بيعصوا ربنا في الشارع المتبرجات دول اشد تطرف. او دول متطرف او دول ارهابيات والله يا جماعة موضوع ايهاب ده دول هيضيعونا كلنا. ده دول بيستعدوا عقوبات من ربنا لو نزلت المجتمع كله هيضيع ما حدش هيقدر ينجو. ده دول بيخربوا - [00:40:27](#)

في السفينة خرق ما حدش هيقدر يسده. لو اتخرق ده دول هيدمروا المجتمع كله بعقوبات المعاصي اللي هم بيعملوها. ده بقى يعني يعني في الطب لما يكون في آآ واحدة بنتها جالها الغدة النكفية الغدة النكافية فبتورم بقى من هنا جامد كده. فلما تجيبها في المستشفى ايه ده هي عندها الغدة؟ اه - [00:40:47](#)

تلبسها شرب واسع كبير كده ايه يبقى منفوخ من عند رقبة كده ما بيانش ان عندها الغدة. البنات اللي ماشية في الشارع دلوقتي نافخة الايشاربات عندها الغدة دي ولا ايه؟ البنات كل دول عندهم - [00:41:07](#)

الغدة ولا ايه؟ كل واحدة ماشية انا في خالق شرب نافخة ليه؟ بتقلد مين؟ بتعمل ايه؟ ايه الجمال اللي في كده؟ ايه الجمال اللي في الوان؟ الوان اللبس اللي ما فيش فيها ولا لون راكب - [00:41:17](#)

على الثاني. ايه الجمال في كده؟ سبحان الملك! ولاضلنهم ولامينيهم ولا امرنهم خلاص بقت عبادة. بقى استعباد والعياذ بالله! استعباد وصلنا لفين يا جماعة؟ وصلنا لفين؟ لعيب الكورة اللي لما راح احترف برة الفريق كله هيعلق بادجي اعلان عن خمرة. طب هو يعمل ايه؟ طب هو ده واخذ ملايين! طب هيعمل ايه؟ يعلق - [00:41:27](#)

الخمرة ازاي؟ المسلم بقى بيقف قدام الشاشات بتاعة العالم كله يعلن عن الخمرة وتعدى الساعة ونص ويخلص الماتش ويتشال البادج واحنا ما بنشربش خمرة ولا حاجة والحمد لله طب وبعدين والملايين اللي شربوها بسبب الاعلان اتخطوا في الميزان. واهانة الاسلام قدام العالم والتخلي عنه قدام العالم. اتخطوا في الميزان. الواحد لما سمع عن الموقف ده - [00:41:47](#)

افتكر عبدالله بن حذافة السهمي لما ملك الروم كان اسره وسجنه وموته من العطش والجوع وبعد كده دخل له خمر. عشان يزب كله يشرب منها قال اني لاعلم ان لي رخصة ان اشرب من هذا ولكني لا اشمتم اعداء الله في دين الله. هيموت مش هيخسر - [00:42:07](#) ملايين ولا يفسر مية وعشرين الف متفرج قاعدين يسقفوا في المدرجات هيموت ويقول ما شمتش العدوين في الاسلام. احنا شمتنا العدوين فين احنا وصلنا لفين يا جماعة؟ وصلنا لفين ورايحين على فين ومتجهين لفين؟ احد علماء السلف الكبار. لما زهق من الناس مش قادر يستحمل اللي الناس تعمله. الف - [00:42:27](#)

طب انا مش عايز اقول لكم اسمه عشان ايه يعني ما حدش يتضايق من اسمه يقول هو هو الف اسم كتاب بيشتتم الناس كده ليه ولا بيقولوا على الناس ايه؟ انما قعد يتندر على احوال الناس وعلى بعدها عن ربنا - [00:42:47](#)

فمن ضمن النوادر اللي كتبوا في كتبها في هذا الكتاب بيقول لك احد الناس في العراق ذهب لواحد بيكتب وخطه بقى جميل واسلوبه منمق قال له انا عايزك تكتب لي خطاب. قال له خطاب لمين؟ قال له خطاب الى ابليس. قال له خطاب الى ابليس؟ اه. اسني لي عليه وامدح لي فيه الله! ابليس مين؟ لا يكتب لك خطاب اليه؟ انت ما لك - [00:42:57](#)

انا عايز اقابله هتقابله ازاي ما لكش دعوة اكتب لي بس الخطاب. كتب له الخطاب يعني هي طرفة يعني قدر يقابل ابليس. فلما قعد قدام ابليس فابليس بيقول له نعم يا ابا محمد نعم وكرامة على الرأس يا ابا محمد. عايز ايه يا ابا محمد؟ انت باعت لي جواب -

[00:43:17](#)

احترمني وبتسني علي قال له ان لي جارا اذا بيقول له انا لي جار. بقى له اربعين سنة بيحسن الي. لو غبت يعامل اولادي احسن ما بيعامل اولاده. عمره في حياته - [00:43:31](#)

معامل ولاده احسن معامل ولاده عمره في حياته ما خرج عن الود والبر والكرم والهدايا والعطايا لي. قال له طيب حسن طيب حسن مازا تريد يا ابا محمد؟ قال له انا عايز نعمة هذا الرجل تزول. فالشيطان قال له نعمة هذا الرجل تزول ليه؟ دا الرجل دا قاعد يكرمك ويديك فقال له ما ازداد - [00:43:45](#)

علي نعمة الا ازددت عليه بها حقدا. كل ما ينعم علي احقد عليه اكثر. فصرخ الشيطان صرخة. الشيطان صرخ صرخة صرخة لما تكون



ربنا يبيعتها لنا. عايزين مش عايزين نترجم. عايزين نفضل نتناقش في الحاجات. طب ويوم ما نقف قدام ربنا. ربنا يسألنا في اللي احنا بنتكلم فيه. ولا ربنا يسألنا عن العبرة والعظة يا جماعة - [00:48:09](#)

عايزين نفوق. يا جماعة عايزين نستيقظ يا اخوانا. يا اخوانا الدين مش انا بتكلم دلوقتي كل واحد بيبن نفسه ملتزم. كل واحدة بتزن نفسها ملتزمة. كل واحد ربنا ادى له لسان او - [00:48:19](#)

ما ادلوش لسان ويقدر يخدم الدعوة باي طريق من الطرق. لازم ننشر الهداية. كلنا هنغرق. هتغرق يا جماعة. السفينة هتغرق. مثل القائم على حدود الله الواقع فيها كمثل قوم ركبوا سفينة فاستهموا. ناس طلوعوا في الدور الفوقاني وناس في الدور التحتاني. اللي في الدور التحتاني عايزين مية يطلعوا فوق. عايزين مية يطلعوا - [00:48:29](#)

قالوا لاً ما ينفعش كده بقى. احنا نحفر حفرة في السفينة ونطلع الماية. الله! تحفر حفر وتطلع الماية! السفينة كلها تغرق! فلو تركوهم لهلكوا جميعا ولو اخزوا على ايديهم لنجوا ونجوا جميعا. يعني الوقتي الوقتي ضرب دروب الفاس اللي في ارض السفينة دي. كل متبرجة ضربة فاس في ارض السفينة - [00:48:49](#)

كل واحد بيعصي ربنا ضربة فاس في ارض السفينة. كل اغنية وكليب وسينما ضربة فاس في ارض السفينة. السفينة هتغرق يا جماعة. السفينة هتغرق. ما انت لما تشتغل في الدعوة - [00:49:09](#)

انت بتنقز نفسك قبل ما بتنقز غيرك. الواحد زمان كان يقعد يقول الكلام ده واحنا لو ما اشتغلناش في الدعوة احنا نفسنا هنضيع بس ما هوش فاهمه. الوقتي لما الواحد بقى عنده اطفال انا بنتي دلوقتي داخله - [00:49:19](#)

امبارح هتبدأ تدخل تعليم. هوديهها فين؟ هوديهها فين؟ واللي اختها هوديهها هنودي ولادنا فين؟ ما هو دلوقتي المدارس اهي قدامنا هنوديهها فين؟ يبقى احنا ما اشتغلناش في الدعوة احنا نفسنا مش قادرين ندفع الضلال عن انفسنا. مش قادرين. مش قادرين ندفع عن انفسنا. يبقى كله هيقرق لو ما اشتغلناش في الدعوة يا جماعة. عشان - [00:49:29](#)

ربنا سبحانه وتعالى نزل اية غريبة جدا في موقف عجيب جدا. سند بسند صحيح عن رسول الله صلى الله عليه وسلم اجتمع مجموعة من الصحابة فقالوا كان منهم عبدالله ابن سلام عشرة عشرة في الجنة عمالقة وكانوا في اول المدينة المنورة فقالوا لو انا نعلم احب - [00:49:49](#)

اعمالي الى الله لعملاه. احنا بس نعرف اكثر حاجة ربنا بيحبها ايه واحنا نموت نفسنا فيها. نكسر الدنيا فيها. فنزل جبريل على رسول الله صلى الله عليه وسلم اذاهم الرسول انت متوقع ايه؟ انا يعني اول ما قرأت كده خلاص انا متوقع دلوقتي سناء بقى. هتنزل اية ثناء عليهم - [00:50:06](#)

هتنزل اية مدح. الرسول هيشكرهم على اللي هم على الخواطر الايمانية الجميلة. العواطف الايمانية الرائعة اللي بيقلوها. فاذا بقول الله فاذا بالله يأمر جبريل ينزل سبع سنوات على رسول الله صلى الله عليه وسلم بقول الله يا ايها الذين امنوا لم - [00:50:23](#)

قولون ما لا تفعلون. يعني انا بقول يا رب انا عايز اعرف اكثر حاجة بتحبها ايه. ربنا يقول لي بطل كلام بطل كلام ليه اتقولون ما لا تفعلون؟ كايا صدمة يا جماعة انا متوقع الصدمة اللي هم اخدوها. ليه يا رب احب الاعمال الى اللي انت عارفه دلوقتي؟ احب الاعمال الى اللي انا فاتح لك بابه دلوقتي - [00:50:43](#)

في اللي انت عارفه. وانا هرزقك علم اللي انت مش عارفه. الدين مش كلام يا جماعة. الدين مش عايز كلامنجية يا اخوانا. الدين مش عايز ناس بتتكلم كثير ونفسي وعايز واتمنى - [00:51:03](#)

ترغب الدنيا عايز ناس تشتغل عشانه الدين عايز ناس تاخذ الخطوة الاولى. عشان كده اول ما بنفتح المصحف في اول صفحة في سورة الفاتحة. اياك اياك نعبد واياك نستعين. ليه ربنا جاب العبادة قبل الاستعانة؟ ليه الاستعانة ما جتش الاول؟ لان ربنا مش هيعينك غير لو خدت الخطوة الاولى من عندك. ربنا مش هيعينك غير لو اول خطوة جت - [00:51:13](#)

عندك. ربنا ما بيعيبش غير اللي خد خطوة في الطريق. اللي واقف على الباب ومش راضي يخبط وما يتفتلوش الباب. خبط وانا افتح لك. اللي واقف على اول الطريق ومش راضي يخطي - [00:51:33](#)

مش ما بيوصلش. خط وانا اوصلك ربنا قال لك قدم لي شبر واحد. من تقرب الي شبرا قدم لي خطوة. بس قدم الاول لازم انت الاول. اياك نعبد واياك سبعتاشر مرة. ربنا بيعلمنا فيها ان لازم الخطوة الاولى مننا. لازم اول خطوة احنا اللي ناخذها يا جماعة. عايزة تتغيري؟ عايز تبقى انسان كويس. عايز - [00:51:43](#)

تغير حواليك اوعى الشيطان يجي لك. انا عارف ان الشيطان الوقتي راكب على وذن كل واحد بيسمع وكل ما اقول اعمل حاجة نفز حاجة يقول له مش هتقدر مش هتقدر انسى مش انت ما انتش نافع مش هتقدر بعد ايه ما انت فشلت ميت مرة هو عايز يحطمننا. هو عايز يحبطنا. الشيطان فهم ثلاث اربع مداخل - [00:52:03](#)

فيما في نفوسنا. ثلاث اربع مداخل بيقول لي الدعاء اعمله خمس تلاف فضائية. ادانوا في الجوامع. انا بعد ما هتدانوا هبوز لكم شغلکم ده كله. بايه بتلات اربع مفاتيح فهمتوهم في نفسية ابن ادم. هحطم لكم كل ايه هم؟ مرة تانية هنبقى نتكلم فيهم ان شاء الله. ولكن اول مفتاح فيهم مش هتقدر - [00:52:23](#)

انه يسبتك ان من وانت داخل في الطريق خلاص. انا عايز اشتغل في الدعوة. انا عايز اتغير. انا خايف من عقوبات ربنا انا عايز انقز الناس وانقز نفسي. وانت لسة داخل تلاقي واحد جاي من بعيد عندك عندك ايه مش هتقدر ارجع ارجع. ما انتش نافع مش سكتك ما انتاش قدها - [00:52:43](#)

ما انتاش قد الطريق دهوت. لا هتقدر هتقدري تتغيري. معزمنا يا جماعة جواه كبت عايز يدعو الى الله بس انتم عارفين ما بيدعوش ليه. لانه محبط. بيتهاأ له انه مش هيقدر يغير. والله العزيم هتقدر. والله باسط - [00:53:00](#)

ببسطة هتقدر. احد اخواني احد احد من اعرفهم. والقصة دي حصلت له هو. كان مسافر في الدعوة الى الله الى الصين. وهو راكب الطائرة راكب جنبه واحد صيني. لغة غير اللغة تماما - [00:53:13](#)

فبيقول فهو عايز يدعوه لله ما هوش عارف يعمل ايه. فجاب ورقة وبدأ يرسم له شجر وانهار فيقول له ايه ده؟ يقول له يعني ايه دي حاجة ايه زي الجنة من الرسم يعني - [00:53:25](#)

بعد كده يجيب له نار وسجون ايه ده؟ فيقول له حاجة زي النار وفي الاخر بدأ يوصل له بالعافية. ان لا اله الا الله هي اللي تدخل دي وتنجي من دي. بيقول نزل - [00:53:35](#)

وراح يدعو في بلد من البلاد. بعد كده رجع المسجد الاساسي في البلد اللي كانوا نازلين فيها. بيقول لقي واحد وشه منور ولابس ما شاء الله لبس السنة بتاع رسول الله صلى الله عليه وسلم - [00:53:45](#)

فوجئ ان ده هو اللي كان معه في الطائرة اسلم وراح المركز الاسلامي. واتغيرت حياته كلها برسمتين يا جماعة. تقدر. تقدري والله العظيم. هنقدر نغير هنقدر نعمل حاجات كتير اوي والا السفينة هتغرق بنا كلنا. والا كلنا هنروح. يا شباب ويا كبار ويا اباة وامهات لازم كلنا نتغير. لازم يا جماعة معاذ بن جبل لما الرسول - [00:53:55](#)

السلام قال عليه انه يسبق العلماء يوم القيامة برطوة يعني بخطوة كان ما جاش عشرين سنة لسة. مصعب ابن عمير لما زلزل قلوب اهل المدينة بازن الله بالدعوة والهداية ما كانش ما كانش جه عشرين سنة لسة. عقبة ابن نافع لما فتح شمال افريقيا لغاية ما وصل للمحيط الاطلنطي. كان لسة شاب صغير متخرج من مدرسة خادم - [00:54:15](#)

الوليد اللي متخرج من مدرسة رسول الله صلى الله عليه وسلم. هو الحواريين اللي نصرنا سيدنا عيسى ايه كان شيخ الشباب. هو اهل الكهف اللي بنقرا قصتهم والرسول امرنا ويا ريت قصتهم كل اسبوع في يوم الجمعة ربنا يعينا على هذا كانوا ايه غير شباب؟ هو ابراهيم لما حطم الاصنام كان اخر شاب؟ هم الصحابة وهم بيفتحوا العالم كانوا ايه غير شبابك - [00:54:35](#)

يا شباب يا جماعة عايزين نغير لدينا. عايزين نعمل حاجة. ما حدش يقول مش ما حدش يقول مش هقدر. هتقدر. ما حدش يقول وانا اعمل ايه؟ اعمل كل حاجة تقدر عليها في الدعوة الى الله. عايزين ننكر - [00:54:55](#)

الوضع اللي احنا الوضع اللي احنا عايشين فيه. امبارح وانا ماشي معهد اخواني يعني مسافرين على الطريق. فبيقول لي مشغلين قرآن. فجه قول الله وحررض المؤمنين. قال الله الاية دي جميلة قوي. قلت له انت عارف يعني ايه وحررض المؤمنين؟ قال لي يعني

ايه؟ قلت له الحررض الهالك. ان تكون حررض او تكون من الهالكين. الهالك - 00:55:05

ربنا بيقول للنبي سبحانه وتعالى في بعض التفسير حررض يعني عرفهم ان لو ما نفزتوش الكلام ده هتهلكه. لو ما نفزتوش الكلام ده هتضيعوا هذا او الطوفان. هذا او الطوفان الكلام ده القواعد دي كلام ربنا ان احنا نقوم ونغير الواقع اللي احنا فيه وندعو الى الله -

00:55:24

ونبطل معاصي. ونبطل ذنوب ونبطل عصيان ونبطل تمرد على اللي خلقنا. وننقذ الواقع اللي احنا فيه. هذا او الطوفان نختار لان خلاص رسايل الغضب عدت كتير كتير ربنا غضبان. اللي الكلمة دي هزت قلبه يشوف هيعمل ايه. لان ربنا لما بيغضب ليس بعد الغضب

- 00:55:47

الا الانتقام. اخواني الدعوة الى الله. عايزين نشغل في دعوة الله سبحانه وتعالى. عايزين نبقي من جنود ربنا في الارض. ربنا يستعملنا لنصرة دينه يا رب اللهم استعملنا ولا تستبدلنا. اللهم استعملنا ولا تستبدلنا. اللهم استعملنا ولا تستبدلنا. اللهم تولنا ولا تتولى

عنا. اللهم - 00:56:07

سدد السننتنا اهد قلوبنا. اسل سخيمة صدورنا. اللهم اقمنا على مرادك منا. اللهم لا تجعل في قلوبنا الاك. اللهم لا تجعل همنا الا رضاءك.

اللهم لا تجعل رغبتنا الا اليك. اللهم لا تجعل توكلنا الا عليك. اللهم املأ قلوبنا - 00:56:26

حبا بك ورضا بك وثقة فيك ويقينا فيك. واناة واخاباتك يا رب العالمين. برحمتك يا ارحم الراحمين اللهم نجنا من ذنوبنا. نجنا من

عواقب ذنوبنا. اغث شباب المسلمين. اغث امة حبيبك. انزل الهداية على امة حبيب - 00:56:46

نجنا من الفتن ما ظهر منها وما بطن. انقذ الامة. ارفع نطقك وغضبك عنا. ارفع مقتك وغضبك عنا. ارفع عقوبتها

ثامنة عنا يا رب. تبنا اليك فارفع عقوبتها الثامنة عنا يا رب. تبنا اليك - 00:57:06

وندمنا على ما فعلنا وعاهدناك الا نعود الى المعاصي ابدأ. اللهم تب علينا وعلى عصاة المسلمين وفرج كربنا وكروب المسلمين واغفر

للمؤمنين والمؤمنات الاحياء منهم والاموات. واغفر لكل من مات مسلم ولكل من ماتت مسلمة - 00:57:26

على ما كان منه من قول لا اله الا الله محمد رسول الله يا واسع الرحمة ويا واسع المغفرة برحمتك يا ارحم الراحمين اقول قولي هذا

واستغفر الله لي ولكم. سبحانك اللهم وبحمدك اشهد ان لا اله الا انت استغفرك واتوب اليك. وجزاكم الله خير - 00:57:46

- 00:58:07